

詩

源

辨

體

詩源辯體卷二十八

中唐

改定本

江陰許學夷伯清 著

白樂天

名居易

五言古其源出於淵明

其自吟詩稿云蘇州及彭澤與我不同時

此外復誰愛惟有元微之

但以其才大而限於時故終成大變其敘

事詳明議論痛快此皆以文為詩實開宋人之門戶耳

又全集冗漫者多斷不可讀

或問子言樂天五言古敘事詳明以文為詩今觀杜子美

新婚別垂老別無家別等亦皆敘事何獨謂樂天以文

為詩乎曰子美敘事紆迴轉折有餘不盡

說見子美論中正未

易及若樂天寸步不遺猶恐失之乃文章傳記之體試

以二詩並觀。迥然自別矣。

樂天五言古敘事詳明者。難以句摘。議論痛快者。畧摘以

見。如小人與君子。用置各有宜。柰何西漢末。忠邪並信之。不然盡信忠。早絕邪臣窺。不然盡信邪。早使忠臣知。

讀漢書

因小以明大。借家可喻邦。周秦宅峭函。其宅非不

同。一興八百年。一死望夷宮。寄語家與國人。凶非宅凶。

凶宅儒教重禮法。道家養神氣。重禮足滋彰。養神多避忌。

不如學禪定。中有甚深味。曠廓小如空。澄凝勝於睡。

大隱住朝市。小隱入丘樊。丘樊大冷落。朝市大囂諠。不

如作中隱。隱在留司官。似出復似處。非忙亦非閒。心

了事未了。飢寒迫於外。事了心未了。念慮煎於內。我今實多幸。事與心相會。內外及中間。了然無一礙。寓心身體中。寓性方寸內。此身是外物。何足苦憂愛。況有假飾者。華簪及高蓋。此又陳於身。復在外物外。等句。皆議論痛快。以理爲勝者也。鄒彥吉云。夫莫不有理。而惟詩忌理障。莫不有事。而惟詩忌事障。已上彥吉語若樂天此詩。則皆所謂理障也。

樂天五言古用語流便。雖若容易。而聯絡照應。動切肯綮。實皆苦思得之。張文潛云。世以樂天詩爲得於容易。嘗於洛中一士人家。見白公詩草。數紙點竄塗抹。及其成

篇殆與初作不侔。

已上文潛語

其苦思可知。或謂樂天每作

詩。令一老嫗解之。嫗解則錄。是好事者妄言耳。今試以樂天詩誦之。卽聰慧婦人有能盡得其解者乎。

**五言古**退之語奇險。樂天語流便。雖甚相反。而快心露骨處則同。就其所造。各極其至。非餘子所及也。司空圖謂元白力勅而氣孱。蓋以其語太率易。不蒼勁故耳。

樂天**五言古**最多。而諸家選錄者少。蓋以其語太率易。而時近於俗。故修詞者病之耳。然元和諸公之詩。貴快心盡意。而縱恣自如。故予謂樂天詩。在退之之下。東野之上。或有取於東野。而無取於樂天。非所以論元和也。

樂天五言古語既率易。中復間用律句。是厥體中所短。如賀雨云。歡呼相告報。感泣涕沾胸。朱陳村云。孤舟三適楚。羸馬四經秦。等句。皆律句也。學樂天者。最宜慎之。

樂天五言古如賀雨。大觜鳥等。雖成大變。而敘事詳明。用韻穩帖。首尾勻稱。靡不如意。其所長正在於此。或以諸篇爲冗濫。而不當錄者。非所以論元和也。其窈窕雙鬟女。翩翩兩玄鳥。古琴無俗韻等體。雖近正。而實非本相。今亦錄冠於前。先正後變也。

樂天五言古有大觜鳥。蓋指當時閹宦也。中云雖生八九子。誰辨其雌雄。語尤顯明。題海圖屏風。當指淮蔡。語亦

瞭然。今人讀古詩。於易知者。不能知。於不易知者。每多附會。何耶。

樂天七言古長恨琵琶敘事詳明新樂府議論痛快亦變

體也胡元瑞謂敷演有餘步驟不足得之長恨歌聲調

雖不盡純

說見李杜論及錢劉論註中

然才氣有餘故自不覺

樂天七言古敘事詳明者未可句摘議論痛快者畧摘以

見如貞元之民若未安騾樂雖聞君不歡貞元之民苟

無病騾樂不來君亦聖

騾國樂

君看騾山頂上茂陵頭畢

竟悲風吹蔓草何況玄元聖祖五千言不言藥不言仙

不言白日升青天

海漫漫

新人新人聽我語洛陽無限紅

樓女。但願將軍重立功。更有新人勝於汝。

母別子

假色迷

人。猶若是。真色迷人。應過此。彼真此假。俱迷人。人心惡

假。貴重真。狐假女妖。害猶淺。一朝一夕。迷人眼。女爲狐

媚。害却深。日增月長。溺人心。

古塚狐

等句。亦皆議論痛快。

以理爲勝者也。

樂天七言古。長恨琵琶及新樂府。雖成變體。然尚有唐人

音調。至一日日。一年年。及達哉樂天行。則全是宋人聲

口。始爲大變矣。

元和間。五七言古。退之奇險。東野琢削。長吉詭幻。盧仝劉

叉。變怪。惟樂天用語流便。似若欲矯時弊。然快心露骨。



終成變體

樂天五七言律絕悉開宋人門戶但欠蒼老耳五言排律  
華瞻整栗而對尚工切語皆琢磨乃正變也

樂天五言律如邊角兩三枝離離原上草烟翠三秋色等  
篇尚爲小變如巧未能勝拙忙應不及閒榮華急如

水憂患大於山雖過酒肆上不離道場中白首誰

留住青山自不歸等句遂大入議論如寒衣補燈下

小女戲牀頭莫強踈慵性須安老大身病看妻檢

藥寒遣婢梳頭佛容爲弟子天許作閒人百年慵

裏過萬事醉中休天供閒日月人借好園林等句

則快心自得宋人門戶多出於此

樂天五言律有何處春深好二十首何處難忘酒七首不如來飲酒七首實開宋人冗濫之門

樂天七言律如萬里清光岳陽樓下來書子細等篇亦爲

小變如我轉官階常自愧君加邑號有何功

妻初授邑號告身

翠黛不須留五馬皇恩只許住三年

西湖留別

借問連宵直

南省何如盡日醉西湖

代諸妓寄嚴郎中

等句始入遊戲如試

玉要燒三日後辨材須待七年期松樹千年終是朽

槿花一日自爲榮只見火光燒潤屋不聞風浪覆虛

舟蟲全性命緣無毒木盡天年爲不才榮枯事過

都成夢。憂喜心忘便是禪。學調氣後衰中健。不用心  
來鬧處閒。當君白首同歸日。是我青山獨往時。盡  
離文字非中道。長住虛空是小乘。等句亦天入議論  
如夜眠。身是投林鳥。朝飯心同乞食僧。寒松縱老風  
標在。野鶴雖飢飲啄閒。二三月裏饒春睡。七八年來  
不早朝。聞有酒時須笑樂。不關身事莫思量。五千  
言裏教知足。三百篇中勸式微。等句亦快心自得如  
新詩傳詠豔陽時節。憶除司馬等篇。則兩股交串。如昔  
年八月。非莊非宅。案頭曆日等篇。又隔句扇對。至早聞  
元九一篇。體製更奇。此皆以文爲詩。實開宋人之門戶。

耳。

樂天七言律本自流便。然其句又有奇拗如王建者。有艱澀類諸家者。豈習俗不能自免耶。

樂天七言絕如雪盡終南憶拋印綬。今年到時。行人南北野店東頭。烟葉蔥蘢。青苔故里。靖安宅裏。朱門深鎖。等篇。意雖深切。亦尚爲小變。如欲上瀛洲。花紙瑤緘。小樹山榴。紫房日照。我梳白髮。柳老春深。等篇。亦大入遊戲。如老去將何。牆西明月。酒後高歌。莫嫌地窄。自知氣發。自學坐禪。歲暮幡然。卧在滄瀟。夢將白叟。琴中有曲。莫驚寵辱。鹿疑鄭相。榻看潮陽。等篇。亦大入議論。如狂夫。

與我少年怪問。重裘暖帽。目昏思寢。紗巾草屨。自出家  
來。等篇亦快心自得。此亦以文爲詩。亦開宋人之門戶。  
耳。

退之五七言古。雖開宋人門戶。然歐蘇而外。無人能學。惟  
樂天律絕。悉開宋人門戶。而宋人實多學之。當時稱爲  
廣大教化主。是也。然但得其淺易耳。

樂天詩。非不自知其變。但以其才大。不能束縛。故不得不  
然。觀其和答微之詩序云。頃者在科試間。常與足下同  
筆硯。每下筆時。輒相顧。共患其意太切。而理太周。故理  
太周。則辭繁。意太切。則言激。然與足下爲文。所長在於

此所病亦在於此。故知其不得不然耳。

王元美云。樂天晚更作知足語。千篇一律。愚按。樂天才大。其詩自能變化。但其篇什太多。故用意不免有相類者。謂之一律。則非矣。

元微之

名稹

少年與白樂天角。靡騁博。故稱元白。然元實不

如白白。五言古入錄者。雖長篇而體自勻稱。意自聯絡。

元體多冗漫。意多散緩。而語更輕率。可采者不能十一。

嘗觀樂天和答微之詩序。其畧曰。五年春。微之左轉爲江陵士曹掾。命季弟送行。且奉新詩一軸。凡二十章。率有比興。淫文豔韻。無一字焉。及足下到江陵。寄在路所

爲詩十七章。皆得作者風然竊思之。豈僕所奉二十章。遽能開足下聰明。使之然也。抑又不知足下是行也。天將屈足下之道。激足下之心。使感時發憤而臻於此耶。何立意措辭。與足下前時詩如此相遠也。此雖以元詩淫靡者爲言。然予錄微之五言古僅七首。而元所寄白十七章。中得其四。故知微之本非樂天儔耳。

微之集五言古有清都夜境作。下註云。自此至秋夕七首。

並年十六至十八時作。中頗有類韋蘇州語。惜未盡工。

耳。故知微之初年。卽與樂天同一源也。

詳見樂天首則論註中

東坡言元輕白俗。昔人謂爲定論。嘗讀微之連昌宮詞。及

七言律一二入選者。聲氣似勝。烏得爲輕。旣而讀其集。惟五言排律長篇及窄韻者稍工。餘不免太輕率耳。觀其酬樂天詩序云。屬李景信校書自忠州訪予。連牀遞飲之間。悲咤使酒。不三兩日。盡和去年以來三十二章。皆異其輕率。可知。

元不知白。乃是功有疎密。非才有大小也。觀張文潛論樂天。前見及微之。酬樂天詩序。便可知矣。

微之七言古。連昌宮詞。聲氣渾厚。勝於樂天長恨歌。但敝事議論處。終是元和人詩。然微之七言古。此外竟無可取。



昔人言元和以後詩學淫靡。於元稹今考集中淫靡者未見何也。按唐書藝文志載元氏長慶集一百卷。又小集十卷。今所傳止六十卷。乃宋宣和間建安劉氏收拾於殘缺之餘者。故淫靡者不可得也。王性之家藏元氏豔詩百餘首。采入傳奇辯證者十九首。餘亦不傳。今止錄十二篇以補成一家。然夢遊春詞汰去其半。尚嫌冗雜。其他一二絕句外。亦未爲工。惟古決絕詞爲勝。

函史載李戡字定臣。舉進士。就禮部試。吏唱名。乃入。恥之。徑反江東。隱陽羨。論著數百篇。惡元和。有元白詩。競傳爲世重。集當世人詩類古者。斷以爲唐詩。愚按戡誠快。

士其論著及所集詩不少槩見惜哉。

詩源辯體卷二十九 中唐

改定本

江陰許學夷伯清著

白樂天初與元微之齊名元卒與劉夢得

字禹錫

俱分司洛

中遂稱劉白按劉雖與白齊名而其集變體實少五七

言古及五言律俱未爲工七言律如南荆西蜀南宮幸

襄渡頭輕雨三篇聲氣有類盛唐如建節東行南國山

川家襲韋平浮杯萬里等篇音調亦似六曆如漢壽城

邊相門才子洛陽秋日新賜魚書鳳樓南面等篇則已

逗入開成至如踈種碧松過月朗多栽紅藥待春還

樓中飲興因明月江上詩情爲晚霞蘭蕊殘妝含露

泣柳條長袂向風揮。等句及前年曾見一篇則更入纖巧矣。七言絕氣格甚勝。嚴滄浪云。大曆以後劉夢得之絕句吾所深取耳。

夢得七言絕有竹枝詞其源出於六朝子夜等歌而格與調則子美也。黃山谷云。劉夢得竹枝九章詞意高妙。元和間誠可獨步。道風俗而不俚。追古昔而不愧。比之子美夔州歌所謂同工而異曲也。按今之吳歌又是竹枝之流。

樂天最愛夢得七言律。雪裏高山頭。早白海中仙。果子生遲。沉舟側畔千帆過。病樹前頭萬木春之句。夢得之詩。

惟此得爲變體而集中皆不傳。及考萬首唐人絕句劉實有似樂天者。故當時有劉白之稱。乃知今所傳夢得詩決非全集也。

張祐

字承吉

元和中作宮體七言絕三十餘首。多道天寶宮

中事。入錄者較王建王麗稍遜。而寬裕勝之。其外數篇聲調亦高。

施肩輿

字希聖

七言絕見萬首唐人絕句凡一百五十餘首

中有豔詞三十餘篇。語多新巧。能道人意中事。較微之豔詩遠爲勝之。今采錄一十六首。以備一家。

詩源辯體卷三十 晚唐

改定本

江陰詩學夷伯清 著

元和柳子厚五七言律非流而為開成許渾生用諸子詩

才力既小風氣日凋而遺諸斯耳故其對多工巧語多

觀貼更多見斧鑿痕而唐人律詩乃漸散其要亦正變

也下流至韋莊五言律  
李山甫羅隱七言律

或問予子嘗言陸機謝客非有才不足以濟變今於許渾

又云才力既小何耶曰許渾才力較錢劉子厚為小非

較眾人為小耳以李郢薛逢鄭谷韓偓諸子相比則知

之矣杜牧李商隱其才實勝於渾故其古詩又多大變

也。

許渾集。古詩僅見一二。餘皆五七言。律絕也。五言律如傾

幕來華館。涼洛多高蓋。一篇聲氣猶勝。七言律如墳穿

大澤埋金劍。廟枕長溪挂鐵衣。對雪夜窮黃石畧。望雲

秋計黑山程。蒼梧鳥篆諸葛體。新授龍船識戰機。三聯

乃晚唐後調。至五言如鴈過秋風急。蟬鳴宿霧開。雲

識瀟湘雨。風知鄴杜秋。雨中耕白水。雲外斫青山。

山色和雲暮。湖光共月秋。高牕雲外樹。疎磬雨中山。

雲起客眠處。月殘僧定中。晴山疎雨後。秋樹斷雲

中。雲帶鴈門雪。水連漁浦風。七言如風隨玉輦笙

歌迴雲卷珠簾劍珮高。石燕拂雲晴亦雨。江豚吹浪  
夜還風。鴉噪暮雲歸古堞。鴈迷寒雨下空壕。湘潭  
雲盡暮山出。巴蜀雪消春水來。溪雲初起日沉閣。山  
雨欲來風滿樓。風傳鼓角霜侵戟。雲卷笙歌月上樓。  
猿來近嶺獼猴散。魚下深潭翡翠閒。猿啼巫峽曉  
雲薄。鴈宿洞庭秋月多。龍歸曉洞雲猶濕。麝過春山  
草自香。山徑晚雲收獵網。水門涼月挂魚竿。等句  
對皆工巧語皆觀貼與盛唐總論二十一二十二二十三則參看然以全集  
觀句意多相類亦有失之太重者。

王元美云許渾鄭谷厭厭有就泉下意渾差有思句故勝



之愚按晚唐諸子體格雖卑然亦是一種精神所注渾  
五七言律工巧襯貼便是其精神所注也若格雖初盛  
而庸淺無奇則又奚取焉孟子曰五穀者種之美者也  
苟爲不熟不如糞稗以此論詩則有實得矣

許渾五七言律體格漸卑者特以情淺而詞勝工巧襯貼  
而多見斧鑿痕耳宋人體尚元和而元美格主初盛其  
貶渾固宜楊用修謂死所引詩句實多鄙陋而亦貶渾  
豈真以其體格之卑耶抑亦偏見不足信也

杜牧

字牧之

才力或優於渾然奇僻處多出於元和五七言

古恣意奇僻且多失體裁不能如韓之工美援引議論

處益多以文爲詩矣其仄韻亦多上去二聲雜用。

杜牧五言古有贈沈處士一篇大爲奇變然僅可入錄後世好奇者亦多做之。

杜牧五言律可采者少七言早鴈一篇聲氣甚勝餘尚有二三篇可采其他怪惡僻澀遂爲變中之變如韓嫣金丸莎覆綠許公轡汗杏粘紅期巖無柰睡留癖勢窘猶爲酒泥慵行開教化期君是卧病神祇禱我知。

邪佞每思當面唾清貧長欠一杯錢黠憂可汗修職

貢文思天子復河湟直道莫拋君子業遭時還與故

人言先攜取弁聲籍籍今看黃霸事縱橫鬢衰酒

減欲誰泥跡。辱魂慚好自尤。已見玄戈收相土。應回

翠帽過離宮。

洛陽

羸形暗去春泉長。猛勢橫來野火燒。

送國

棋王

等句。皆怪惡僻澀者也。

子美七言以歌行入律。豪曠磊落。乃才大而失之於放。其

機趣無不靈活。杜牧七言律。僻澀怪惡。其機趣實死。人

稱小杜。愧甚滄浪論詩以興趣爲先。誠爲有見。

七言律。王建尚奇而昧於正。尚意而畧於辭。杜牧亦尚奇。尚意。而又以老硬爲主。實僻澀怪惡也。宋人之法多出於此。

詩先定其正。變而後論其淺深。否則愈深愈僻。必有入於

怪惡者。許渾五七言律情致雖淺而造語實工。譬之庖製則五味多而真味少。杜牧七言律用意雖深而造語實僻。譬之惡品異類食之則蜚口中。類不能下。噉反謂之美味可乎。楊用修深貶許渾而謂晚唐律詩義山而下惟牧之爲最。其說本於宋人。此不識正變而徒論深淺也。餘見皮陸論中

杜牧七言絕如黃沙連海青塚前頭翠屏山對銀燭秋光監官引出五篇聲氣尚勝清時有味以下盡入晚唐而韻致可觀開成以後當爲獨勝。

杜牧少年風流放蕩見於他書可考其詩有落魄江湖華

堂今日自恨尋芳等篇今皆不見本集者何按唐書牧  
剛直有奇節敢論列大事臨終悉取所爲文章焚之斯  
豈臨終而焚之耶中復有婷婷嫋嫋多情却似二絕疑  
後人增入也且集中多怪惡僻澀之語與前三絕及他  
入錄者如出二手乃知此公情致自在怪惡僻澀直欲  
自開堂奧耳

李商隱

字義山

才力亦優於渾而用事詭僻多出於元和五

言古多用古韻井泥一篇援引議論又似杜牧但更冗  
漫耳七言古惟韓碑安平公二詩稍類退之而韓碑爲  
工其他多是長言聲調詭僻尤甚讀之十不得三四也

(商隱)七言古聲調(姪)太半入詩餘矣與溫庭筠上源於李賀七言古下流

至韓偓如柔腸早被秋眸割海闊天翻迷處所衣

帶無情有寬窄香眠冷襯瑯瑯珮蠟燭啼紅怨天

曙蟾蜍夜豔秋河月醉起微陽若初曙映簾夢斷

聞殘語前閣雨簾愁不卷後堂芳樹陰陰見低樓

小徑城南道猶自金鞍對芳草雲屏不動掩孤嚔西

樓一夜風箏急欲織相思花寄遠終日相思却相怨

瑤瑟悒悒藏楚弄越羅冷薄金泥重簾鉤鸚鵡夜驚霜

喚起南雲繞雲夢等句皆詩餘之調也

商隱律詩較古詩稍顯易而七言為勝七言如何年部落

一篇乃晚唐俊調其他對多精切語多穠麗宋人號爲

西昆體爲晚唐一種如賡歌太液翻黃鵠從獵陳倉獲

碧雞雲隨夏后雙龍尾風逐周王八馬蹄閨苑有

書多附鶴女牆無樹不棲鸞不收金彈拋林外却惜

銀牀在井頭舞鸞鏡匣收殘黛睡鴨香鑪換夕薰

珠樹重行憐翡翠玉樓雙舞羨鴟雞明珠可貫須爲

珮白璧堪裁且作環身無彩鳳雙飛翼心有靈犀一

點通九枝燈下朝金殿三素雲中侍玉樓滄海月

明珠有淚藍田日煖玉生煙等句皆精切穠麗者也

較許渾而言許工詞李工意而俱不甚暢然許入選者

多而李入選者少。

商隱七言律

語雖穠麗而中多詭僻如狂飈不惜蘿陰薄。

清露偏知桂葉濃。

深宮

落日渚宮供觀閣開年雲夢送烟

花。

宋王

曾是寂寥金燼後斷無消息石榴紅。

無題

等句最爲

詭僻。冷齋夜話云。詩至義山爲文章一厄是也。論詩者

有理障事障。予竊謂此爲意障耳。又贈司勳杜十三一

篇體製甚奇。然亦出於樂天覽盧子蒙詩也。

商隱七言律

既多詭僻時亦有鄙俗者。如空歸腐敗猶難

復更困腥臊豈易招。

楚宮

未容言語還分散。少得闔圓足

怨嗟。

昨日

嵇氏幼男尤可憫。左家嬌女豈能忘。

悼亡

賈氏窺



簾韓掾少。宓妃留枕魏王才。無等句最爲鄙俗者也。

商隱七言絕如代贈云。芭蕉不展丁香結。同向春風各自

愁。鴛鴦云。不須長結風波願。鎖向金籠始兩全。春日云。

燕蝶銜花蕊。蜂銜粉。共助青樓一日忙。全篇較古律豔

情尤麗。

五言絕許渾聲急氣促。商隱意新語豔。此又大曆之降。亦

正變也。五言絕正變止此。

溫庭筠

字飛卿

與李商隱齊名。時號溫李。五七言古綺靡妖

豔。五言獵騎一篇。有似齊梁。但與題不合。恐誤。西洲詞。

江南曲。轉韻體。用六朝樂府語。湘宮人。故城曲。邊笳曲。

畧似長吉。其他則未爲工。**七言**轉韻四句一換。平仄相間。語亦多詭僻。讀之十不得五六。聲調畧與義山相類。其才或不及耳。予所錄乃其最易者。

**庭筠**

**七言古聲調婉媚盡人**

**詩餘**

與李商隱上源於李賀下流至韓偓諸體如

家臨長信往來道一篇。本集作春曉曲。而**詩餘**作玉樓春。蓋其語本相近。而調又相合。編者遂采入**詩餘**耳。其他畧摘以見。如四方傾動烟塵起。猶在濃團夢魂裏。後主荒宮有曉鶯。飛來只隔西江水。爲君裁破合歡被。星斗迢迢共千里。象尺薰鑪未覺秋。碧池已有新蓮子。迴嚔笑語西牕客。星斗寥寥波脉脉。不逐秦王捲象

牀滿樓明月梨花白。王堦暗接崑崙井井上無人金  
索冷。畫壁陰森九子堂。階前細月鋪花影。百舌問花  
花不語。低迴似恨橫塘雨。蜂爭粉蕊蝶分香。不似垂楊  
惜金縷。等句。皆詩餘之調也。

庭筠五言律有六朝體酷相類。

唐人六朝體例不錄

七言入錄者調

多清逸語多閒婉在晚唐另爲一種如出寺馬嘶秋色

裏向陵鴉亂夕陽中竹間泉落山厨靜塔下僧歸影殿  
空。窓間半偈聞鐘後松下殘棋送客回簾向玉峯藏  
夜雪砌因藍水長秋苔。爲尋名畫來過院因訪閒人  
得看棋。新鴈參差雲碧處寒鴉繚繞葉紅時。湖上殘

棋人散後。岳陽微雨。鳥歸遲。蒼苔路熟。僧歸寺。紅葉  
聲乾。鹿在林。等句。皆清逸閒婉。與義山相反者也。

傳言庭筠薄於行。執政鄙其爲人。今觀其七言律格。雖晚  
唐而清逸閒婉。殊無塵俗之態。何也。曰。摩詰應物。所謂  
有德者必有言。庭筠之詩。則有言者未必有德也。

庭筠七言律。如莽莽寒空。蘇武魂銷。曾於青史。三篇。乃晚  
唐俊調。石路荒涼。羨君東去。倚欄愁立。龍沙鐵馬。四篇。  
有似許渾。穆滿曾爲。曲巷斜臨。曾向金屏。積潤初銷。四  
篇。有似商隱。

七言律。許渾工於詞。故情致不足。庭筠雖不能如許渾之

工然入錄者却有情致

按季賀李商隱溫庭筠古律之詩多側詞艷語宋初楊大

年諸人翕然宗之

詳見子美論中

號西昆體人多訾其僻澀今

人但指商隱詩爲昆體非也

開成

七言絕許渾杜牧李商隱溫庭筠聲皆溜亮語多快

心此又大曆之降亦正變也

下流至鄭谷七言絕

中間入議論便

是宋人門戶

七言絕盛唐諸公

意常寬裕晚唐諸公意常窘蹙故盛唐

諸公一題可爲十數篇而晚唐諸公一題僅可爲一二

也

晚唐七言絕意亦有寬裕者然聲每急促聲亦有和平者而調又卑弱較之大曆已自逕庭况可望盛唐耶。

王敬美云晚唐詩莽莽無足言獨七言絕句膾炙人口其妙至欲勝盛唐予謂絕句覺妙正是晚唐未妙處其勝

盛唐乃其不及盛唐也晚唐快心露骨便非本色議論

高處逗宋詩之徑聲調卑處開大石之門已上俱敬美語胡元

瑞云晚唐絕東風不與周郎便銅雀春深鎖二喬可憐

夜半虛前席不問蒼生問鬼神皆宋人議論之祖間有

極工者亦氣韻衰颯天壤開寶然書情則惻愴而易動

人用事則巧切而工悅俗世希大雅或以爲過盛唐具

眼觀之不待其辭畢矣。愚按晚唐絕句。二子乃深得之。但二詩雖爲議論之祖。然東風二句。猶有晚唐音調。可憐二句。則全入議論矣。與晚唐總論首則參看

遊仙詩其來已久。至曹唐字堯則有七言絕九十八首。後

人賦遊仙絕句。實起於此。而青於藍者亦多。今采錄一十六首。以備一家。

詩源辯體卷三十一

晚唐

改定本

江陰許學夷伯清 著

馬戴

字虞臣

集古詩畧見數篇律詩七言亦甚少五言如火

發龍山北北風吹別思處處松陰滿三篇氣格有類初

唐如斜日挂邊樹別離楊柳陌堯女樓西望三篇聲氣

亦類盛唐惜結語多弱如斗酒故人同

篇

緣危路忽窮

野風吹蕙帶洞庭人夜別離人非逆旅等篇亦似大曆

如廣漠雲凝慘金甲耀兜鍪二篇體雖闊大而聲韻俊

朗語意精切自是晚唐高調學者於此能別方是法眼

至

金陵

山色裏長亭晚送君洞庭秋色起故人今在剡四



篇便是晚唐如語別在中夜灞原風雨定雲門秋却入  
朝與城闕別四篇語出賈島如君生遊俠地閒想白雲  
外黯黯抱離念帝鄉歸未得天涯秋色盡野人閒種樹  
六篇格類于武陵又猿啼洞庭樹人在木蘭舟一聯元  
美謂不減柳吳興然全篇則實中唐巖滄浪云馬戴在  
晚唐諸人之上是也

于武陵集五言律之外惟絕句數篇而已其詩氣格遒緊  
故爲矯激而聲韻急促語意快露實多出於元和亦晚  
唐一家

劉滄

字蘊靈

集七言律之外惟五言律一篇其詩氣格聲韻

與于武陵五言相類而意亦多露亦晚唐一家嚴滄浪  
云劉滄亦勝諸人是也然以二集觀雖調多一律却少  
斧鑿痕

于劉五七言律間摘中二聯以見大畧于五言如今宵一  
別後何處再相逢過楚水千里到秦山幾重 旋添青  
草塚更有白頭人歲暮客將老雪晴山欲春 自生江  
上月長有客思家半夜下霜葉北風吹荻花 遠聞涼  
鴈至如報杜陵秋千樹有黃葉幾人新白頭 因知人  
易老唯有水長流欲附故鄉信不逢歸客舟 劉七言  
如千年事往人何在半夜月明潮自來白鳥影從江樹

沒清猿聲入楚雲哀 青山空出禁城日黃葉自飛宮  
樹霜御路幾年香輦去天津終日水聲長 花開忽憶  
故山樹月上自登臨水樓浩浩晴原人獨去依依春草  
水分流 秋風漢水旅愁起寒木楚山歸思遥獨夜猿  
聲和落葉晴江月色帶回潮 風生寒渚白蘋動霜落  
秋山黃葉深雲盡獨看晴塞鴈月明遥聽遠村砧 等  
句雖氣格遒緊而實出於矯非若盛唐諸公以古爲律  
者出於才力之自然也

趙嘏

字承祐

七言律

有題雙峯院松一篇聲氣有類盛唐廣

武溪頭正懷何謝樓上華筵三篇氣格亦勝他如兩見

梨花歸不得每逢寒食一潸然斜陽映閣山當寺微綠  
含風樹滿川 艾荷香遶垂鞭袖楊柳風橫弄笛船城  
擬十洲三島路寺臨千頃夕陽川 霑襟正歎人間事  
迴首更慙江上鷗鷓鴣聲中寒食酒芙蓉花外夕陽樓  
楊柳風多潮未落蒹葭霜在鴈初飛重嘶匹馬吟紅  
葉却聽疎鐘憶翠微 故園何處風吹柳新鴈南來雪  
滿衣目極思隨原草遍浪高書到海門稀 等句聲皆  
溜亮語皆俊逸亦晚唐一家殘星幾點鴈橫塞長笛一  
聲人倚樓一聯杜紫微賞詠不已稱爲趙倚樓惜下聯  
不稱七言絕十無詩開宋人冗濫之門疑非馮作

李郢

字楚望

七言律虬鬚樵悴一篇亦晚唐俊調其他入錄

者聲多宜朗語多藻麗然去趙嘏實遠

薛逢

字陶臣

七言律老聽笙歌一篇聲氣亦勝陰風獵獵一

篇與李郢虬鬚樵悴相伯仲其他入錄者聲多宜朗語多穠麗亦有漸入纖巧者

七言律盛唐諸子醞藉和平大曆諸子氣格雖衰而和平

未改開成而後意態過於軒舉聲韻傷於急促意態軒

舉者如許渾對雪夜窮黃石畧望雲秋計黑山程李

商隱夜捲牙旗千帳雪朝飛羽騎一河水李郢鵬沒

夜雲知御花馬隨仙仗識天香薛逢霜中入塞鳴弓

響月下翻營玉帳寒 等句是也聲韻急促者如許渾  
湘潭雲盡暮山出巴蜀雪消春水來 溪雲初起日沉  
閣山雨欲來風滿樓 劉滄千年事往人何在半夜月  
明潮自來 花開忽憶故山樹月上自登臨水樓 等  
句是也予少時最喜讀之學者苟不能辨終無以脫晚  
近之習耳七言絕亦然

陸龜蒙皮日休唱和多次韻之作七言律鼓吹所選僅得  
一二可觀其他多怪惡奇醜矣陸如何慚謝雪中情詠  
不羨劉梅貴色粧

白菊

梁殿得非蕭帝瑞齊官應是玉兒

媒野梅

自昔稻梁高鳥畏至今珪組野人讐

鵲

澄沙脆弱

聞應伏青鐵沉埋見亦羞

紫石硯

須知日富爲神授祗有

家貧免盜憎

次韻日休

君隱輪蹄名未了我依琴鶴性相攻

寄吳融

魂應絕地爲才鬼名與遺編在史臣

張處士故居

飲啄

斷年同鶴儉風波終日看人爭

壓新醅

皮如因思桂蠹傷

肌骨爲憶松鵝捐性靈

病孔雀

騷人白芷傷心暗狎客紅

筵奪眼明

紫石硯

並出亦如鵝管合各生還似犬牙分

箕園

映竹認人多錯誤透花窺鳥最分明

春遊

秦吳只恐勑來

近劉項真應釀得平酒德有神多客頌醉鄉無貨沒人

爭

新醅

等句皆怪惡奇醜者也吳無障論時義云向來詞

醜極矣佳者爲善用脂粉而不佳者爲醜陋晝見予於

晚唐亦云。

予嘗以唐律比閨媛。初唐可謂端莊。盛唐足稱溫惠。大曆失之輕弱。開成過於美麗。而唐末則又妖豔矣。然美麗妖豔。雖非端莊溫惠可比。而好色者不免於溺。此人情之常。無足爲異。至若王杜皮陸。乃怪惡奇醜。見之必唾其面。今好奇之士。反以爲姣好而慕悅之。此人情之大變。不可以常理推也。

韓白古詩本失之巧。而或以爲拙。王杜皮陸律詩實流於惡。而或以爲巧。此千古大謬。蓋韓白機趣實有可觀。王杜皮陸機趣累無所見也。今人好奇而識淺。故捨韓白



而取皮陸耳。

皮陸集中有全篇字皆平聲者。有上五字皆平聲。下五字

或上聲。或去聲。或入聲者。有疊韻。有離合。有藥名。有人

名。有迴文。

自離合至迴文。漢魏六朝亦間有之。蓋偶以爲戲耳。

有問答。有風人。

今

吳歌。誇新鬪奇。大壞詩體。二子復生。吾當投畀豺虎。或問

東坡亦有疊韻雙聲。吃語禽言等何。曰。東坡才大。自無

不宜。故偶以爲戲。皮陸長處。畧無所見。而惟以此鬪奇。

未可並論也。

王摩詰韋應物。白首仕宦。日與風塵車馬爲伍。乃其詩潔

淨。蕭散殊無一滓穢語。陸龜蒙託跡隱居。假與雲山烟

水相親。而其詩怪惡奇醜。反不得中人趣。觀者當取其心。無論其跡。若曰限於時代。然則晚唐豈無正變耶。

晚唐五言古。溫李而後。作者絕響。大中咸通間。諸子多習爲之。而實無足取。李群玉學太白。盡力摹擬。亦稍有可觀。惜才力太弱。司馬扎間有遠韻。亦能成篇。邵謁學孟郊。而淺鄙者實多。曹鄴間學六朝。亦無足采。于瀆蘇拯鄙陋益甚。此皆不足序列。但後之學者。於古詩多不能知。恐不免爲惑耳。

晚唐七言絕。周曇有詠史一百四十六首。胡曾一百首。孫元晏七十餘首。汪遵五十餘首。羅虬有比紅兒詩一百

詩源辨體

卷三十一

六

足不

首俱庸淺不足成家茲並不錄

詩源辯體卷三十二 晚唐

改定本

江陰許學夷伯清 著

吳融

字子華

七言律太行和雪一篇氣格在初盛唐之間十

二闌干別墅蕭條長亭一望三篇聲氣亦勝其他皆晚唐語也。

才大者每欲任情才小者輒能自厲高不如岑錢不如劉誰不知之而高錢五言律數篇氣格實勝岑劉趙嘏吳融全集遠遜許渾而趙吳七言律一二聲氣有類初盛使不覩諸家全集定不能別其高下也。

韋莊

字端己

律詩七言勝於五言五言如拜書辭王帳月照

臨官渡爲儒逢世亂。二篇畧與許渾相類。至如雪向寅

前凍。花從子後春。總帳扃秋月。詩樓鎖夜蟲。浪跡

花應笑。衰容鏡每知。掃地留疎影。穿池浸落霞。草

動蛇尋穴。枝搖鼠上藤。等句較之於渾。則聲盡輕浮。

語盡纖巧。而五言不可復振矣。要亦正變也。七言律如

萬里只攜孤劍去。十年空逐塞鴻歸。夜指碧天占晉

分曉。磨孤劍。望秦雲。紅旗不卷風長急。畫角閒吹日

又曛。心如嶽色留秦地。夢逐河聲出禹門。千年王

氣浮清洛。萬古坤靈鎮碧嵩。江聲似激秦軍破。山勢

如匡晉祚危。等句聲氣實雄於渾。如殘雪嶺頭明組。

練晚霞簷外簇旌旗。僧尋野渡歸吳嶽。鴈帶斜陽入  
渭城。山好只因人化石。地靈曾有劍爲龍。載酒客  
尋吳苑寺。倚樓僧看洞庭山。等句。則對皆工巧。語皆  
覩貼。至如芳草綠遮仙尉宅。落霞紅襯賈人船。堦前  
雨落鴛鴦瓦。竹裏苔封蠅螬橋。星分夜彩寒侵帳。蘭  
惹春香綠映袍。等句。則又入於纖巧矣。然以全集觀。  
亦有失之太重者。絕句在唐末諸人之上。

鄭谷

字守愚

詩以全集觀。去許渾韋莊實遠。五言律如春亦

怯邊遊。萬里念江海。二篇聲氣稍勝。但前篇起語甚稚。  
後篇結語太弱耳。如漂泊病難任。淒涼懷古意。澤國逢

知已三篇亦中唐佳製。男兒懷壯節一篇實晚唐俊調。  
幾思聞靜話。效樂天隔句扇對。七言律如飲澗鹿喧雙  
派水上樓僧踏一梯雲。林下聽經秋苑鹿溪邊掃葉  
夕陽僧。萬頃白波迷宿鷺。一林黃葉送殘蟬。情多  
最恨花無語。愁破方知酒有權。等句皆晚唐語。至如  
殘月露垂朝闕蓋。落花風動宿齋燈。畫成烟景垂楊  
色。滴破春愁壓酒聲。紅迷天子帆邊日。紫奪星郎帳  
外蘭。錦低飛綠岸和梅雨。亂入紅樓揀杏梁。燕一枝低  
帶流鶯睡。數片狂和舞蝶飛。棠等句則聲盡輕浮語盡  
纖巧矣。然集中諸體僅得二三十篇。餘皆村陋不足錄。

也

鄭谷七言絕較之開成句語亦不甚殊而聲韻益卑唐人絕句至此不可復振矣要亦正變也中如紫雲重疊塵壓鴛鴦花落江堤半烟半雨移舟水濺等篇皆聲韻益卑者也胡元瑞云數聲風笛離亭晚君向瀟湘我向秦豈不一唱三歎而氣韻衰颯殊甚渭城朝雨自是口語而千載如新此論盛唐晚唐三昧已上八句皆元瑞語下至李山甫羅隱不更述矣

唐人之詩雖主乎情而盛衰則在氣韻如中唐律詩晚唐絕句亦未嘗無情而終不得與初盛相較正是其氣韻



衰颯耳。

韓偓

字致堯

別集一卷。實本集也。以其有香奩集。故反名別

集。然其語多淺俗。入錄者甚少。七言律如無柰離腸。長  
日居閒。惜春連日。三篇。氣韻亦勝。星斗疎明。一篇。聲亦  
宣朗。他如餅添澗水。盛將月。裊挂松枝。惹得雲。樹頭

蜂抱花鬚落。池面魚吹柳絮行。禪伏詩魔。歸靜域。酒衝  
愁陣。出奇兵。等句。乃晚唐巧句也。至若爐爲窓明僧  
偶坐。雨連鶯曉落殘梅。則奇僻不可爲法矣。

韓偓香奩集。皆裙裾脂粉之詩。高秀實云。元氏豔詩麗而  
有骨。韓偓香奩集。麗而無骨。愚按詩名香奩。奚必求骨。

但韓詩淺俗者多。而豔麗者少。較之溫李。相去甚遠。卽予所錄者十之二三。而亦不能佳也。五言古如侍女動粧奩。故故驚人睡。那知本未眠。背面輸垂淚。七言古如嬌嬈意緒不勝羞。願倚郎肩永相著。直教筆底有文星。亦應難狀分明苦。七言律如小疊紅牋書恨字。與奴方便送卿卿。七言絕如想得那人垂手立。嬌羞不肯上鞦韆。等句。則詩餘變爲曲調矣。上源於李商隱溫庭筠七言古詩簡之變此至七言律如仙樹有花難問種。御香聞氣不知名。靜中樓閣深春雨。遠處簾櫳半夜燈。亦頗有致。又分明窓下聞裁剪。敲遍欄干故不應。則曲盡豔情。

韓偓香奩集。唐詩紀事以爲五代間和凝之詞嫁其名於偓耳。韻語陽秋云。香奩集有無題詩序云。余辛酉年戲作無題詩十四韻。故奉常王公內翰吳融舍人令狐渙相次屬和。是歲十月末。一旦兵起。隨駕西狩。文稿咸棄。丙寅歲在福建。有蘇曄。以稿見授。得無題詩云云。偓傳。天祐二年。挈其族依王審知而卒。序所謂丙寅在福建。蘇曄授其稿。正依王審知時也。稽之於傳。與序無一不合。則此集韓偓所作無疑。愚按韻語考證甚明。紀事之說實不足信。又吳融集有和韓致堯侍郎無題三首。與香奩集中無題韻正同。亦一驗也。

開成許渾七言律再流而爲唐末李山甫羅隱

字昭諫

諸子

羅李才力益小風氣日衰而造詣愈卑故於鄙俗村陋

之中間有一二可采然聲盡輕浮語盡纖巧而氣韻衰

颯殊甚唐人律詩至此乃盡敝矣要亦正變也李如柳

遮門戶橫金鎖花擁絃歌咽畫樓錦袖妖姬爭巧笑王

銜驕馬索閒遊鴛鴦占水能嗔客鸚鵡嫌籠解罵人

騷褻似龍隨日換輕盈如燕逐年新羅如曲檻柳穠

鶯未老小園花暖蝶初飛噴香瑞獸金三尺舞雪佳人

玉一圍芳草有情皆礙馬好雲無處不遮樓山牽別

恨和愁斷水帶離聲入夢流等句皆輕浮纖巧者也

與總論論道當  
嚴一則參看

初唐七言律質勝於文盛唐文質兼備大曆而後文勝質

衰至李山甫羅隱諸子則文浮而質滅矣

羅李詩只就入錄者言之

大抵初盛中晚音節雖有高下詞藻雖有洪纖而尚有

可觀失此二者則不得爲正變也

以下九則總論晚唐之詩

或問唐人律詩以劉長卿錢起柳宗元許渾韋莊鄭谷李

山甫羅隱爲正變古詩以元和諸子爲大變何也曰律

詩由盛唐變至錢劉由錢劉變至柳宗元許渾韋莊鄭

谷李山甫羅隱皆自一源流出體雖漸降而調實相承

故爲正變古詩若元和諸子則萬怪千奇其派各出而

不與李杜高岑諸子同源故爲大變其正變也。如堂陛之有階級。自上而下。級級相對。而實非有意爲之。晚唐律詩卽李商隱溫庭筠于武陵劉滄趙嘏雖或出正變之上終不免稍偏矣。

或問許渾韋莊鄭谷李山甫羅隱律詩較元和諸子古詩品第若何。曰許渾韋莊鄭谷李山甫羅隱譬今世之儒。元和諸子如老莊楊墨。今世之儒安可便與老莊楊墨爭衡乎。

或問予子之論律詩宗盛唐而黜晚唐宜矣。然無乃畏難而樂易乎。曰盛唐渾圓活潑其造詣之功已非一日若

浩然造思極深必待自得則造詣之後又非卒然可辦也。孰謂盛唐易而晚唐難乎。但盛唐沉思忽至豁焉貫通種種自見。晚唐襯貼纖巧一字一句靡不艱得。斯則盛唐易而晚唐難信矣。或曰詩貴超脫不貴沿襲子之言無乃以沿襲爲事乎。曰盛唐造詣既深興趣復遠故形跡俱融風神超邁此盛唐之脫也。學者有盛唐之具斯亦脫矣。若更求脫於盛唐則吾不知也。

予嘗言盛唐諸公律詩不難於才力而難於悟入。姪國泰云盛唐律詩固不難於才力。若晚唐所爲襯貼纖巧者意雖不有盛唐然亦必不能爲盛唐也。卽今人時義恣

爲新奇大輕先輩試使降心爲王唐之文果能之乎

七言律輕浮纖巧雖唐末所尚而成家者實少李山甫羅

隱諸子間得一二可采其他則多鄙俗村陋矣鼓吹所

選

全集不能盡摘姑摘鼓吹所選

如薛逢六街塵起鼓鼙繁馬足車輪

在處通百役並驅衣食肉四民長走路岐中

六街細推塵

今古事堪愁貴賤同歸土一丘光陰自旦還將暮早

本從春又到秋

四句悼古

李山甫長疑好事皆虛事却恐閑

人是貴人老逐少來終不放辱隨榮後定須勾

寓南朝懷

天子愛風流盡守江山不到頭總爲戰爭收拾得却因

歌舞破除休

上元懷古

高駢紅葉寺多詩景致白衣人盡酒



交遊依違諷刺因行得澹泊供需不在求

途次寄僧舍

無金

寄與白頭親節槩猶誇似古人未出塵埃真落魄不趨

權勢正因循

留別

杜荀鶴巢穴幾多相似處路岐兼得一

般平擁袍公子莫言冷中有樵夫跣足行

雪

顏萱憶昔

爲兒逐我兄曾騎竹馬拜先生豈是爭權留怨敵可

憐登路盡公卿

四句過張處士故居

等句十居四五讀之誠欲嘔

吐既不足以爲

**正變**

而又不能成**天變**也楊用修云學

者動輒言唐詩便以爲好不思唐人有極惡劣者如今

稱燕趙多佳人其間有跛者眇者羝羴者疥且痔者乃

專房寵之曰是亦燕趙佳人之一種可乎胡元瑞亦云

杜荀鶴李山甫委巷談藂否道斯極唐亦以亡矣

或問唐人七言律自錢劉變至唐末而聲韻輕浮辭語纖

巧宜也今觀諸家又多鄙俗村陋何耶曰唐人既變而

爲輕浮纖巧已復厭其所爲又欲盡去鉛華專尚理致

於是意見日深議論愈切故必至於鄙俗村陋耳此上

承元和而下啓宋人乃大變而大敞矣以下三則與王建功證詩篇離

景象之說參看

或謂晚唐人多用山水木石烟雪花鳥爲詩故其格甚卑

捨此而後可以觀詩矣予曰不然詩有賦比興山水木

石烟雲花鳥卽古詩之比興也孔子論詩亦曰多識於

鳥獸草木之名故山水木石烟雲花鳥自三百篇而下  
卽初盛唐不能捨此爲詩顧可以責晚唐乎晚唐之詩  
惟是氣象萎弱情致都絕而徒藉於山水木石以爲藻  
飾故其格卑下要不可盡廢山水木石而爲詩也逮於  
唐末諸子乃欲盡去鉛華專尚理致於是山水木石之  
語廢而議論意見之詞繁故必至於鄙俗村陋耳嘗觀  
六一詩話許洞曾諸詩僧分題約曰不得犯山水風雲  
竹石花草雪霜星月禽鳥等字於是諸僧閣筆嗚呼此  
宋人欲以文爲詩也於諸僧何尤

或曰唐末詩不特理致可宗而情景俱真有不可廢趙凡

夫云情真景真誤殺天下後世不典不雅鄙俚疊出何  
嘗不真于詩遠矣古人胸中無俗物可以真境中求雅  
今人胸中無雅調必須雅中求真境如此求真真如金  
玉如彼求真真如砂礫矣大底漢唐之真如此宋人之  
真如彼初盛之真如此晚唐之真如彼二法懸殊不可  
不辯已上二十句  
皆凡夫語

詩源辯體卷三十三 五代

改定本

江陰許學夷伯清 著

五代爲唐之閏。餘其間戎馬動勦。文章否極。然其作者亦不乏人。張泌無全集。僅才調集。及鼓吹。品彙所錄。二十餘篇而已。其七言古一篇。乃詩餘之調也。七言律如千里暮烟愁不盡。一川秋草思無窮。一曲晚烟浮渭水。半橋斜日照咸陽。雞唱未沉函谷月。鴈聲新度灞陵烟。千里晚霞雲夢北。一洲霜橘洞庭南。溪風送雨過秋寺。澗石驚瀧落夜潭。等句。亦晚唐俊調。至暖風芳草。風透疎簾。二篇。則亦輕浮纖巧矣。

五代詩有集傳者。惟李建勳一人。建勳集二卷。五七言律  
爲多。入錄者亦小有致。以全集觀。在李山甫羅隱之上。  
伍喬七言律入錄者。亦小有致。胡元瑞云。伍喬詩一卷。僅  
七言律二十首。蓋類書抄合者。

蜀王孟昶花蕊夫人有七言絕宮詞一百首。其詞本於王  
建。大約以全集觀。王語不雅馴。而花蕊時近淺雅。王平  
甫云。花蕊宮詞三十二首。王恭簡續成都集纔二十八  
首。則百篇之中。或有僞撰者。已上平甫語後見彤管遺編百  
首。與本集多不同。故知僞撰者實多。今總錄一十三首。  
以備一家。

李建勲五言律如杉松新夏後雨雹夜禪中。池映春篁

老簷垂夏果香。晚果經秋赤寒蔬近社青。地爐僧

坐煖山拚火聲肥。七言律如人歸遠岫疎鐘後雪打

高杉古屋前。雲暗半空藏萬仞雪迷雙瀑在中峯。

伍喬七言律如怪石夜光寒射燭老杉秋韻冷和鐘。

鶴和雲影宿高木。人帶月光登古壇。夢迴月夜蟲吟

壁病起茅齋藥滿瓢。古琴帶月音聲正。山果經霜氣

味全。及詩藪所載劉昭禹神清峯頂立衣冷瀑邊吟。

卞震雨壁長秋菌風枝落病蟬。曹崧鹿眠荒圃寒

蕪白鴉噪殘陽敗葉飛。廖凝風清竹閣留僧話雨濕

莎庭放吏衙。等句。皆清新峭拔。另爲一種。究其所以  
乃賈島張王之餘。至宋劉後村益加工美矣。今後生所  
尚實不出此。顧乃高自夸大。意謂千古絕調。薄初盛而  
不爲。不知乃古人久棄之唾餘也。